



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Homicidium.

urn:nbn:de:hbz:466:1-41753

rad. & Portel part. 1. tract. 5. res. 8. & 19.
 rr. 3. res. 78.

Homicidium.

1 **I**niustus inuasor cum moderamine
 inculpatae tutelae potest occidi, et
 iam si posses fugere, quādo fuga est in-
 decora. Hurtad. Imò quamuis inuasor
 esset persona publica, & reipub. neces-
 saria, nonnulli negant peccari etiam
 contra caritatem (Rodriq. & alij 2.) aut
 quamuis inuasus fuerit in culpa cur
 inuaderetur, v.g. committendo adul-
 terium cum vxore alterius. Molin. & alij
 6. Quae vera sunt non solum pro de-
 fensione vitae, sed etiam honoris, pu-
 dicitae, vel bonorum externorū quan-
 do sunt alicuius momenti. (Molin. &
 alij 15.) Sed non censetur ad hoc suffi-
 ciens res valens vno, vel duobus aureis,
 quamuis hoc doceat Molina & alij 3.
 Ebrium tamen, vel amentem numquā
 licet occidere quando potes fugere; hoc
 enim non est probrosum. Malder. Imò
 nec filius patrem, vel auum, aut frater
 minor maiorem; quia talis fuga adscri-
 bitur pietati, nō timiditati. Hurtad. p. 5.
 rr. 4. res. 1. 2. 3. 9. 36. & 17.

2. Idem licet pro defensione bonorū,
 vel

vel pudicitia proximi, nisi ille consentiat, pro vitæ verò eiusdem defensione etiam debitum erit quando est persona vel necessaria reipublicæ, vel valde coniuncta, ut pater, mater, filius, vxor, vel frater. Malder. & alij. Sicut etiam inuasus quando est persona multum utilis reipub. tenetur sub mortali inuasorem occidere, si possit, pro sui defensione. Molin. & alij 3 *ibid. res.* 19. 36. 20. & 14.

3 Ob contumeliam non licet alterum occidere etsi illa aliter depelli non possit; unde neque si viro honorato dicatur *mentiris*, etsi hoc esset probrosum. (Less. & alij 5.) quamuis nonnulli contrarium doceant (Baldel. & alij 3.) liceret tamen quando aggressor vellet turpem, vel alapam impingere viro honorato: (Hurtad. & alij 15.) & in omnibus casibus quibus licet occidere, potest intendi mors aggressoris. Molin. & alij 5 *ibid. res.* 12. 13. 4. & 16.

4 Si non possis per iudicem recuperare rem tuam furto sublatam, potes ingredi locum vbi illa deposita est, eamq; tibi vindicare, & si alter impediat, vim vi repellere. Lessius & alij 2. *ibid. res.* 37.

5 Quamuis minantem mortem non liceat occidere (Malderus) potes tamen

præuenire qui te decreuit interficere quando aliter non euades aut mortem aut graue eius periculum. Molin. vnde & herum qui famulo mandat te occidere, & maritum quem vxor scit venenum, aut gladium parasse. Bannez & alij 3. *ib. d. res. 10. 5 & 6.*

6 Miles certò sciens bellum esse iniustum, potest tamen occidere militem contrariæ partis à quo inuaditur, quando ipse cessauit ab impugnando, & fugit, & alterum monuit vt desistat ab impetendo. Azor. & Soto. *ibid. res. 15.*

7 Potest proponi præmium occidentis bannitum etiam proditoriè, & ex insidiis. Molin. & alij 2. imò & extra territorium proponentis tunc posse occidi docent Graff. & alij 2. non potest tamè in simili casu filius occidere patrem. Bonacin. & alij *ibid. res. 25. & 24.*

8 Vt vitam tuam defendas ab aggressore, potes interficere etiam innocentem vel interpositum inter te, & aggressorem, vel in viâ iacentem quando aliter te seruare non potes. Less. & alij. Similiter innocens potest ad petitionem tyranni urbem aliàs euersuri tradi ab eo occidendus, & si contumaciter resistat potest ab ipsâ etiam rep. occidi.

Baq.

Bannez & alij. Obsides etiam videntur posse occidi quando hostes fidem frangunt. Azor. *ibid. ref. 34. 23. & 35.*

9 Quando salus totius corporis id exigat, vnde cumque id proueniat, potes membrum quoduis tibi amputare, atque adeo etiam si tyrannus aliam minetur tibi mortem, Malder. & alij 3. Quando tamen in præcisione membri essent graues cruciatus, vt in depositione tibiæ, non potes ad hoc obligari quauis religiosus esses. Sotus & alij 4. *ib. ref. 32. & p. 6. tr. 8. ref. 36.*

10 Homicidium sui fieri potest ex inuincibili ignorantia. Molin. & alij 5. Vnde non est neganda Ecclesiastica sepultura puellæ, quæ ad seruandam pudicitiam seipsam occidit: quia præsumi debet ex tali ignorantia fecisse. Sed non possunt nauarum à pyratibus Turcis oppugnati, pulueri tormentario ignem iniicere, & se mari committere. licet contrarium doceat Less. & alij 6. *p. 5. tr. 4. ref. 30. & 26. & p. 6. tract. 7. resol. 47. & 48.*

11 Probabile est posse aliquem vitam suam exponere pro amici vitâ seruandâ. (Sotus & alij 3.) vnde in naufragio poterit quis dimittere tabulam, quâ al-

ter euadat, et si ipse sit submergens, (Victor. & alij 4.) imò idem licet pro defensione honoris, vel bonorum amici. Sotus. p. 5. ref. 28. 42. & 29.

12. Damnatus ad mortem per inedia potest abstinere à cibo clā oblato (Lessius & alij 5.) sed non potest haurire venenum qui ad illud damnatus esse posse tamen aperire os, ut venenum infundatur docet Lessius. Sicut neque potest se è scala præcipitare quando carnifex collo laqueum apposuit. Syll. ibid ref. 41. 39 & 40.

13. Non tenetur ex homicidio restituere 1. qui occidit alterum pro defensione bonorum et si facile potuisset ea recuperare per iudicem. Caietan. & alij 2. 2. qui occidit inuasorem cum fine notâ potuisset fugere, quamuis Clericus sit; quia tunc solum peccauit contra caritatem. Less. & alij. 3. adulter qui cum moderamine inculpatae tutelæ occidit maritum adulteræ inuasorem. Lessius & Megal. 4. qui metu mortis indicauit aliquem qui iniuste petebatur ad necem. Rodriq. 5. nobiles, & diuites videntur renuntiasse iuri restitutionis ex homicidio; nã solã iniuriam memoriam retinent. Sanch. & alij 6. 6. Quan-

do

do homicida capite damnatus est, hæredes eius cōsentur acquiescere illā pœnā talionis, saltē dum amplius non exigunt. Bannez & alij 7.7. qui defendendo se occidit alterū excedens moderamen inculpatæ tutelæ nō tenetur ad totū damnum, sed solūm pro ratione excessus. Comitol. & alij 2.8. qui aduertit ex suo homicidio damnū tertio obuenturum, v.g. vt Petrus accusetur homicidij patrati, & condemnetur, nihil huic tenetur restituere: quia cū illud damnum per accidens inde sequatur, non tenebatur ex iustitiā illud cauere. Sanch. & Less. 9 si mancipium, vel animal aliquod damnum intulerit, dominus non tenetur id compēsare, neque leges aliud statuentes obligant ante sententiam. Lessius & alij 2. *ib. ref.* 45. 48. 49. 47. 63. 61. 60. 44. 51. & 52.

14 Qui alteri homicidium iniustum persuasit, & postea seriō consilium reuocauit, si nihilominus homicidium perpetretur, non incurrit in excomm. neque in irregularitatem, neque etiam probabiliter obligatur ad restitutionem; quia fecit quod potuit, vt prius consilium euerteret, ac proinde non videtur executor ipsius consilio fuisse

impulsus, sed potius suâ malitiâ. Lay.
& alij. p. 3. tr. 5. ref. 83. & p. 5. tr. 4. ref. 64.

15 Quando homicida restituit hæredibus quæ occisus fuisset lucraturus, nihil tenetur restituere eius creditoribus. Less. & alij 5. p. 5. tr. 4. ref. 57.

16 Quando occisus omnia condonavit homicidæ ad nihil amplius obligatur, etiam filiis occisi. Bânez & alij 3. Titulo verò alimentorû nō tenetur restituere nisi parentibus occisi, filiis, vel vxoris quod si hæc æquè commodè potest nubere, nihil ei debetur. Less. & Pillius. Imò si parentes, & vxor non egeant alimentis, nec filij necessariis ad vitam, non deberi aliquid ante iudicis sententiam docet Tanner. multò minùs debet aliquid restitui iis quos occisus alebat ex liberalitate, aut quibus benefaciebat, quamuis consanguinei eius sint. Molin. & alij 6. *ibid.* ref. 58, 59. & 56.

17 Qui prouocatus, vel ex condicto ad pugnam descendit, non tenetur ad restitutionem damni ob vulnus, aut mortem illatam: quia prouocans quantum in se erat, in id consensit. Secus est de eo qui alterum prouocauit. Lessius & alij 2. p. 3. tr. 6. ref. 53. & p. 5. tr. 4. ref. 50.

18 Qui vulnerauit opificem, tenetur ad

ad impensas in chirurgum faciendas, & ad æstimationem operarum, quibus caruit quamdiu ex illo vulnere fuit inutilis ad opificium exercendum: potest tamẽ deduci æstimatio molestiæ, quam in opificio habiturus erat. Molin. & alij 2. Idem est si talem occiderit, quamvis non teneatur totum lucrum compensare, cum lucrum in spe non tanti valeat, quanti in re: quare id taxari debet iuxta æstimationem annorum quibus putabatur superuiçturus. D. Thom. & alij. Sed pro cicatricis deformitate, imò ipsius vitæ iacturâ, nulla pecuniæ compensatio facienda est ante Iudicis sententiam. Vasq. & alij 15. p. 3. tract. 6. ref. 53 & p. 5 tr. 4. ref. 53. & 54.

19 Restitutio pro homicidio non debet necessariò fieri per Missas, vel pœces. Layman & alij 4. etsi deceat Confessarium talia imponere pro occiso. p. 5. tr. 4. ref. 55.

Horæ canonica.

Qui recitat officium animo non satisfaciendi pro tunc, si postea pertæsus mutet intentionem, & velit satisfacere illâ recitatione, satisfacit obligationi: quia qui facit quod lex imperat